

پطرسؑ پیام

۱۱ هوطو کی او مردای، پطرس و یوحنا امرأ شوئون دوبو و اوشانؑ جا سیا نوبوستی، توماؑ مردوم تعجبؑ امرأ «سلیمانؑ ایوان» دورون اوشانؑ طرف بودووستیدی. ۱۲ وختی پطرس او مردومانؑ بیده، واگردسته بوگفته: «ای مردومانؑ اسرائیلی، چره آ پیش آمدؑ جا تعجب کونیدی؟ چره امرأ طویی نیگاه کودن دریدی؟ مگر امانؑ، امی خودمانؑ قوت و کردکارانؑ دینی امرأ، آ مرداکؑ شفا بدیم کی اون تانه راه بشه؟ ۱۳ خودای ابراهیم و اسحاق و یعقوب، امی پئرانؑ خودا، خو خادم، عیسی مسیحؑ جلال فده، هو عیسی کی شومانؑ اونؑ تسلیم بوکودیدی و پیلاتسؑ حاکم ورجه اونؑ انکار بوکودیدی، هر چند کی پیلاتسؑ تصمیم داشتی اونؑ آزاد کونه. ۱۴ ولی شومانؑ بید کی دسؑ رد به سینہیؑ او قدوس و عادل، عیسایؑ مسیح بزهیدی و بخواستیدی کی پیلاتسؑ، اونؑ عوض باراباسؑ قاتلؑ آزاد کونه. ۱۵ شومانؑ چشمہیؑ حیات بوکوشتید ولی خودای پئر، اونؑ جه مُردهیانؑ

میان ویریزانہ و امان شاہدیم. ۱۶ عیسیٰ نام و قدرت مرہ ا مرداک کی
 شناسیدی و دئن دریدی، قوت فیگفته و هطویم، ایمان بہ عیسیٰ نام
 وستی بتانسته شفا بیگیرہ و شیمی ہمہ تان پھلو ساق و سالم بیسہ.
 ۱۷ ہسہ ای براران، دانم کی شومان و شیمی پیلہ دانہ آدمان کار، جہ
 جہل و نادانی بو. ۱۸ ولی خودا اطوی اونیچی کی تومام پیامبران
 زبان امرأ پیشگویی بوکودہ بو، بہ انجام برسائہ: کی مسیح، وا عذاب
 بکشہ. ۱۹ وستی توبہ بوکونید و خودا طرف باید تا شیمی گناہان
 پاک بہ و او وختان دووارہ زندگی کودن خوداوند ورجہ فرسہ. ۲۰ و
 خودا، عیسای، او مسیح موعود کی قبلاً شیمی رہ انتخاب بوکودہ بو،
 اوسہ کونہ. ۲۱ هطو کی جہ قبلان، خودا خو انبیای مقدس زبان جا
 اعلام بوکودہ بو، عیسیٰ تا او وختانی کی ہمہ چیز تازہ بہ، وستی
 آسمان جور بیسہ. ۲۲ موسیٰ نبی، خو قوم بوگفته: (خوداوند، شیمی
 خودا، جہ شیمی براران میان پیغمبری می مانستن شیمی رہ اوسہ کونہ
 و شومان وا ہرچی کی شمرگہ، دیل و جان مرہ گوش بدید. ۲۳ ہر
 کس اون گبان گوش ندہ، وا جہ اسرائیل قوم دورونی ریشہ کن بہ.

۲۴ پیغمبرانم، جہ سموئیل بہ بعد، ہمہ تان دربارہ یّ اَروزان پیشگویی
بوکودید. ۲۵ شومان پیغمبرانْ زاکان، وارثانْ عہد و پیمانی ایسیدی
کی خودا شیمی پئرانْ امرأ دَوَستہ. اون، ابراہیمْ بوگفتہ: (ہمہ یّ قومانْ
زیمین، تی نسلْ جَا برکت بریدی.) ۲۶ ہو زمانی کی خودا خو خادم،
عیسایْ انتخاب بوکودہ بو، اون شیمی ورجہ اوسہ کودہ تا شمرْ جہ
شرارتْ رایانْ واگردانہ و برکت بدہ.